

609697

愚齋存稿初刊

二三

卷之六

卷之六

卷之六

卷之六

卷之六

卷之六

六

愚齋存彙卷第三十三目錄

電報十

寄香帥

又

又

直督榮中堂來電

寄榮相

寄總署路礦總局

又

寄張樵野少農

總署來電

寄總署路礦總局

又

又

寄粵督譚文帥

寄總署

總署來電

寄香帥

京局馮志先來電

香帥來電

寄香帥

香帥來電

京局馮志先來電

寄香帥

京局馮志先來電

寄總署

寄總署路礦總局

總署來電

寄總署總局

寄杭州廖毅似中丞惲菴雲方伯

景齋字彙

卷三十三目錄

一思補樓藏版

寄江甯劉峴帥蘇州德靜帥安慶鄧小帥兩廣譚文帥
杭州廖穀帥開封劉景帥

峴帥來電

粵督譚文帥來電

寄峴帥

寄總署總局

總署來電

香帥來電

總署來電

寄總署總局

寄香帥

寄總署

總署來電

寄總署總局

又

寄胡雲楣京兆

寄總署總局

總署來電

寄總署總局

寄峴帥

恩齋序

卷三十三目錄

三

恩補樓藏版

峴帥來電

湘撫俞虞帥致鄂督張香帥電

峴帥來電

又

寄峴帥

又

峴帥來電

寄峴帥

寄王夔石尙書

總署來電

寄總署

總署來電

寄總署

寄俞虞軒中丞

寄總署

總署來電

長沙俞中丞來電

駐京比使來電

又

寄總署

寄駐京比使

代香帥擬致長沙俞廣帥電

總署來電

寄總署

劉峴帥來電

又

寄戶部

寄總署

又

寄川督奎樂帥

奎樂帥來電

寄王夔石尙書

總署來電

寄總署

又

增補名集

增補名集

增補名集

增補名集

增補名集

增補名集

增補名集

增補名集

愚齋存彙卷第三十三

電報十

寄香帥 光緒二十四年七月十七日

在津行時在仲相前密言內外大臣志在自強者不多
人務須聯絡一氣仲相深然之允卽先與鈞處通函以
後好商量辦事併云素來佩服惜未晤面耳或候其函
到時復書恭維之或竟不待其函到先致數行乞酌之
又 七月十七日

請訓時面奉 諭催粵漢須與盧漢同時告成未知陳
道等何日赴湘勘路仁和頗慮湘路爲難衡州尤甚曾

牧請暫避衡州將來通粵西繞遠可勿計較未知台端
與右帥鈞意如何

又七月二十一日

比國工匠十五人尙須匝月到華遲緩可恨容閱另合
英美公司由浦口開封造路至津海靖因是忌妬亦欲
就清江濟南造路至津與盧漢三路並行竊恐三路皆
還債不起中國事不能提挈綱領可慮蘇堪二十日
召見條陳鍊兵鍊官鍊聖躬三事屬爲轉稟

直督榮中堂來電

七月二十一日

秋間差務 鑾輿經由火車未能借資民力駐蹕

十日需款較繁盧綱報効銀二十萬兩業經奏聞
鄙意招商電報開平礦務三局比年商業尙稱興
旺擬援二十年 太后萬歲之例合力輸將共
襄盛典前晤忽忽未及面述想閣下公忠體國必
當勸諭各商踴躍從事也祈電復爲感

寄榮相

七月二十四日

前以昭信股票屢次集商會議眾商因有 恩旨聽便
不免觀望經宣飭令勉籌商局五萬電局二萬與開平
合成十萬現奉 諭報効大差眾商正以雙管齊下爲
難頃見 諭旨昭信一概停止已勸令兩局卽將所籌

之七萬兩移作報効儘八月內起解以副鈞屬

寄總署路礦總局 七月二十五日

前比國借款因國債權利較重以致反覆現在粵漢滬甯美英借款草約已定借息不過五釐餘利須俟每年還本之後提給十成之二正在議立詳約如果他處所給利權有優於此者則粵滬兩路必致藉口加利盧漢售票亦恐費唇舌據英領事璧利南面稱現議津鎮之英人並非真實殷商不過持此合同回國轉賣合同與人從中牟利前翼使亦云其人可靠與否尙待查考聞此人已赴京尙求詳細妥酌免礙已成之局

又七月二十五日

外國造路或宜直路展長或宜橫路銜接不宜並線而行自奪生意今造盧漢又造津鎮是並行一線矣海靖謂容閱若由河南造津鎮德必要由山東造津鎮是並肩而三矣將來我卽虧本與彼無涉彼有債權何慮我不還我若不顧後來有求必應必貽國家無窮後患宣懷奉王爺面諭與實使面議止准怡和自浦口接至信陽幹路而停止津鎮又與海使議可准其由濟南接通盧漢幹路皆歸商辦兩使俱首肯此卽展長銜接之法勝於一線並行多矣乞鈞裁

寄張樵野少農

七月二十五日

前聆鈞諭始悉容道持木廠期票到處求辦津鎮此議
台端不以爲然仰見卓識能見其大今聞埃習克持草
議到京饒舌所幸總署尙未核准昨有英德兩商來議
如中國必願另造津鎮莫如英德借款合辦東大道則
不走河南尙於盧漢無大礙等語鄙見照在京面議浦
口濟南皆與盧漢幹路相接爲上策必不得已從英德
合辦東道爲中策容道由豫達津德亦必由東達津乃
下策將來盧漢不能還債必當會疏陳明乞與大農妥
酌示復

總署來電 八月初一日

甯滬路工已照復英使轉飭英商與貴處妥議照
中國南北鐵路合同公平商辦查閏月所訂甯滬
草約年息四釐半自較盧漢爲省惟第四款期限
五十年第八款產業作抵第十三款美得餘利五
分之一第十六款照銀市八二折均較盧漢有別
盧漢合同英使握定必須仿照現甯滬正約未定
是否須與磋磨尙待蓋籌津鎮一路俟與英德兩
使商定再覆容閱經辦之案未了仍煩唇舌

寄總署路礦總局 八月初五日

伍使江電押款已交巴士及工師初六紐約動身聞英
謀辦粵垣至九龍路應歸美符原約云頃復以英使索
造九龍至粵垣路總署已准美約自粵至漢係向西接
連枝路應美造九龍在粵垣之東已爲英租地英斷不
肯讓好在粵自有海望勸勿爭云

又八月初五日

頃怡和來云另有英商麥圖納在京謀辦杭州至甯波
路恐致紛雜懇請照實使所請訂定隨後展至甯波亦
在內昨接廖穀帥來函以蘇杭甯紹一路熟權利害不
得不早著祖鞭等語則展至甯波一語浙撫已允行似

亦可照辦以免另起爐竈

又八月初五日

接奉大咨九廣浦信蘇杭三路應與英商妥訂章程咨報仍將辦法先復等因除九廣應俟與美國說明再辦外現擬與怡和先訂蘇浙浦信草約三款一議定造路由蘇州至杭州及甯波浦口至信陽卽與簽定之滬甯鐵路草約章程一樣二將來訂立正約仍當與嗣後商訂核准之滬甯鐵路正約章程一樣三此草約簽定後怡和當從速派工程司測勘蘇浙浦信各路總公司一面知會地方官保護勘路之工程司以上三款謹候電

諭先行簽字

寄粵督譚文帥

八月初五日

據張道振勳稟美意兩國請築省河隄岸係華人陳聯
泰所播弄鈞處未准彼又使華人出名稟請承築該處
隄岸爲鐵路必經之地倘先爲洋人築隄必有窒礙除
電總署一律阻止外乞鈞裁駁止尤深感禱

寄總署

八月初六日

粵路現派張道振勳總辦據該道稟稱美意兩國領事
請築省河堤岸粵督未准彼又使華人出名稟請承築
該處堤岸爲鐵路必經之地倘先爲洋人所得必生波

折乞鈞署電粵帥概行駁止鐵路工程司九月必往勘
定矣

總署來電 八月初六日

九龍至粵垣鐵路美使頃來署辯爭當答以粵漢
合同有無九龍字樣美使謂無有但聲明達海口
本署答以既無九龍字樣則總公司與英商訂辦
未爲不合九龍爲英租地豈肯讓他國商人承辦
尊處與怡和商訂此路祇係九龍至粵垣當有接
連粵漢之意惟粵漢合同未到英使索辦此路彼
此已有照會自難翻覆如能英美兩路聯接可以

解紛美使允令美商酌訂留交照會要以九龍合
同批准頃令伊先閱尊處與怡和所訂蘇浙浦信
草約卽與簽定之滬甯草約一樣正約亦如之滬
甯草約是否較盧漢更妥候電復再酌美義兩商
承築粵省隄岸粵督有電來已駁阻鐵路事定再
商爲宜

寄香帥 八月初八日

近日滬上洋人謠言甚多有謂能請 聖上出洋講求
武備如俄大彼得保故事可期兩全此誠危急存亡之
秋應出諸何人之口乃安姑以密聞

京局馮志先來電 八月初九日

聖躬安謠言均不足信惟 太后聽政後恐大

局必有變更自初六起 召見大臣均 太后

皇上一同問話 未與聞此次新憲實利

香帥來電 八月初九日

洋謠未聞恐不可信外洋事恐難仿照實不敢贊

一詞請熟思妥酌為要

寄香帥 八月初十日

昨旨楊深秀徐致靖劉光第楊銳譚嗣同林旭均拿問

聞康有為由重慶船到滬被英兵船挾去英甚慮俄惟

所欲爲頗想先發深宮似不可再有舉動以防彼族干預內政

香帥來電 八月十一日

楊叔嶠銳端正謹飭素非康黨平日議論詆康之處不一而足弟所深知天下端人名士皆所深知此次召見蒙恩係由陳右銘中丞保與康無涉且入直僅十餘日要事概未與聞此次被逮實係無辜受累務祈飛電切懇夔帥鼎力拯救以別良莠天下善類感戴盛德叩禱

京局馬志先來電 八月十一日

初十 密旨派袁慰廷護理北洋大臣命榮相即
速來京榮相於昨日到京今日 召見聞係商辦
康事

寄香帥 八月十二日

真電所言楊叔嶠事已轉電仁和力懇保全 聖躬未
愈有 旨徵醫宋伯魯革職餘無所聞

京局馮志先來電 八月十三日

今日榮相奉 旨留京入軍機裕壽帥授直隸總
督北洋各軍仍歸榮節制

寄總署 八月十七日

支電以庫倫電報停工懇請代奏催辦在案嗣據余思
詒稟俄領事出頭七月二十三始開工乃三十日連帥
又派委員開周飭將綫路再行更改翻山加路已屯各
料翻騰曠糜十月初防凍恐工難完竣乞奏咨是否停
罷等語查庫恰一段電工僅數百里運木各費已用銀
二十餘萬向所未有車運則委員串同作弊每根侵蝕
銀三四兩工程則委員刻刻改路每日工匠虛糜千金
現做工僅數十里轉詢地凍內地華洋員匠數百人空
勞往返如何得了連大臣想必爲喇嘛鼓動惟查恰綫
係鈞署與俄使訂約飭局籌造似此情形商股大懼求

止可否乞商俄使停罷如不能停乞飛咨庫倫大臣速將委員穆誠額開周撤換准令余道按程速進免再反復更改事關交涉用敢呈請鈞示飭遵

寄總署路礦總局

八月二十日

前奉大咨九廣浦信蘇浙三路飭卽酌照南北鐵路章程與英商妥訂卽經怡和面議草約三條初五電請鈞示奉魚電滬甯草約是否較盧漢更妥再酌查滬甯四釐半八二扣五十年與盧漢五釐九扣三十年相去無幾其餘各條雖字句不同而實處不相上下將來議訂正約必以草約爲本苟可磋磨無不盡力現在英使赴

鈞署催辦頃怡和亦接實使電云總署已允卽電總公
司簽此三路草約其香港洋東在滬等候答以署電尙
無簽字字樣當再請示查草合同三條已於初五全敘
電呈是否卽可簽字九龍至廣州必可與美國承造粵
漢相接是否卽與英定統乞示

總署來電

八月二十二日

號電悉合同可簽字其九龍至廣如美果無辭一
併訂定

寄總署總局

八月二十三日

頃怡和又持實使電來催簽字現今加入一條此草合

同先由督辦大臣畫押俟會商督撫如有地方窒礙之處卽行更正仍俟定正約時會同入奏云九龍至廣州亦加入共成四條刻已將奉准養電先簽字電咨兩江兩廣蘇浙皖豫各撫但怡和催甚急勢必不及守候各省復電除浙帥先已商妥外餘處未及先商乞鈞署電知各督撫因第三條勘路卽須地方官保護也

寄杭州廖毅似中丞惲菘雲方伯

八月二十三日

前遣潘道稟商英商借款造路事宣到京總署詢及止允蘇至杭七月二十五署咨已轉咨冰案惟該商恐杭州至甯波別屬他國爭造多生枝節力懇一氣呵成其

公使亦至總署聲說擬來草約三條一議定造路由蘇州至杭州及甯波浦口至信陽卽與簽定之滬甯鐵路草約章程一樣二將來訂立正約仍當與嗣後商訂核准之滬甯鐵路正約章程一樣三此草約簽定後怡和當從速派工程司測勘蘇浙浦信各路總公司一面知會地方官保護勘路之工程司云昨又接總署養電草合同可簽字其九龍至廣如美果無辭一併訂定等因謹按鈞函蘇杭甯紹一路孰權利害不得不早著祖鞭似亦可併甯紹在內至摺中簽改處蒙指示極佩惟此次草約止寥寥數語已與面商俟訂正約時和衷增節

不致爲難好在滬甯末條云先由督辦畫押俟會商督撫如有地方窒礙卽行更正則當併滬甯更正之頃怡和持英使電來催今日簽字暫以病緩可否照行乞速電示免其再向總署饒舌

寄江甯劉峴帥蘇州德靜帥安慶鄧小帥兩廣譚文帥
杭州廖毅帥開封劉景帥 八月二十四日

初一奉總署咨文以英使請准英商承修鐵路五條本衙門以中英輯睦多年自應言歸於好九龍至廣州浦口至信陽蘇州至杭州三路應仍咨行貴大臣與英商妥訂章程請旨遵行等因又接署皓電英使向署催

問候立草合同送署酌定該英商怡和擬來草約三條
一議定造路由蘇州至杭州及甯波浦口至信陽九龍
至廣州卽與簽定之滬甯鐵路草約章程一樣二將來
訂立正約仍當與嗣後商訂核准之滬甯鐵路正約章
程一樣三此草合同簽定後怡和當速派工程司測勘
蘇浙浦信九廣各路總公司一面知會地方官保護勘
路之工程司敝處又添入一條云此草合同先由督辦
大臣畫押俟會商督部堂撫部院如有地方窒礙之處
卽行更正仍俟定正約時會同入奏共成四條現奉總
署養電合同卽簽字該洋商並持英使給予總署核准

簽字之憑據日來催促大概此三處章程必照滬甯合同好在滬甯正約尚須督同英商到甯議定添列末條如有地方窒礙卽行更正尚參活筆約攔兩三日必須簽字謹特電聞

峴帥來電 八月二十五日

浦信一路經由皖豫腹地可慮甚多地方旣貧民情本悍時務全未聞知稍有齟齬禍更烈於教案至借此以佔土地已屬無從挽救雖不與議曷忍不言惟公熟思審處是幸

粵督譚文帥來電 八月二十六日

九龍至廣州鐵路誰創此議絕無所聞此等事須
審察地勢詳詢民情未可冒昧舉行若民情不服
亦莫如之何地方官斷難任保護之責也

寄峴帥

八月二十六日

聞英使照會總署尙有鎮津一路其意必欲直通南北
署不得已止其鎮津而允其浦信節去半段免礙盧漢
承示皖豫地瘠俗悍情形自當轉告英商渠勘路一見
荒涼無利可獲諒必廢然自止總公司借款造路旣無
生意亦可勸緩現在實因容閱欲定鎮津路仍由浦口
故難阻止一切要在滬甯正約當督率來甯請示再定

也入股試帖仍復農工商京局已撤

寄總署總局

八月二十七日

劉峴帥於浦信譚文帥於九廣均有異詞持論甚正諒必電商鈞署可否請將地方爲難情形卽告英使中止抑或仍遵前電簽字乞鈞復

總署來電

九月初七日

津鎮鐵路容道至今尙無成議海靖又來照稱傳聞盛督辦有云德國現不願辦津鎮全路僅欲承辦青島至濟南接連保定而已應切聲明此言全屬子虛德華銀行始終願會英銀行辦津鎮全路

等語此事貴大臣前晤海使究竟如何說法希卽
復以便酌理

香帥來電 九月初八日

屢奉 諭旨裁營節餉鄂省餉源大宗鹽釐已去
貨釐驛減而新派船政巨款十五萬較他省獨多
束手無策情形頗險度日如年實亦不能不裁查
大冶鐵山運哨江夏馬鞍山煤井彈壓勇丁五百
五十名已經效勞兩年有餘此時諸事就緒商民
相宜只可將此營裁撤酌派練軍五十名分駐彈
壓大冶弁一人練軍三十名馬鞍山弁一人練軍

二十名如尊意以爲不敷其餘只可懇請台端自
籌事處萬難並非有營不派尙祈鑒諒至禱

總署來電 九月初九日

濟南鐵路改爲接至保定海云並無是說究竟當
時是否確有此議該使催辦津鎮勢甚迫切希速
復

寄總署總局 九月初九日

前晤海使渠謂容閩不應借英美款造鎮津路答以鎮
津本礙盧漢但聞德欲從山東造路至津則他人亦必
從河南造路至津與盧漢並肩而三內地土貨不多彼

此有損我聞路宜銜接不宜並肩故擬請總署停止津
鎮尙未知濟南路何以要接至沂州海云現勘沂州無
好礦擬緩造但濟南無出路故想造至天津答以最好
造至保定與幹路相接則南可通滬粵北可達悉畢爾
矣現怡和議由江甯接至信陽俄華由山西接至正定
彼此情事相同皆銜接而不相並海云如此可歸商辦
總署能否應允答云德華銀行前議滬甯不合而止我
甚抱歉此次總公司必可商請總署與德華議辦所說
不過如此並無字據今海使翻議催辦津鎮甚急或因
容議並未停止德必不甘心讓人而使東道不通然各

國鐵路造不造皆由自主今則互相爭造不僅在路利而在路權若一聽所爲恐效尤莫止聞英法於粵漢各懷覬覦如可兩路並行尙恐別尋路徑向署饒舌不得已借款造路必須就路還款款不能還則路爲人有現今幹路數道已定似宜明降暫止以杜紛擾

寄香帥

九月初十日

始止國內英對照請英商承辦

裁勇固當節餉於地方實非宜漢冶馬三廠局向派營勇彈壓嗣後應仍請照章辦理係屬奏定章程今蒙改派練軍如大冶地廣民悍斷非三十名所能濟萬一華洋滋事尤難料理可否求於大冶一處酌量多撥並懇

俟宣到鄂後再撤調以便布置

寄總署 九月初十日

佳電亮蒙鈞鑒海使照會擬請復以鎮津自容道請辦
後江督鄂督及總公司均以南北祇此貨客並肩而行
有礙盧漢電奏請止故七月內英使照請英商承修津
鎮亦未允行實因盧漢津鎮萬一兩路並爭車利不敷
歸還洋債則兩受其累盧漢已辦津鎮宜停今既不准
本國容閔所請又於英使所商祇准其江甯接至信陽
為止德商事同一律自未便再議津鎮以害盧漢但兩
國睦誼素敦如果濟南鐵路欲與盧漢幹路擇地相接

則於幹路利權無礙總公司亦不致爲難自可由德商
與總公司商辦等語若似此措詞庶合各國辦路自保
利權公例如將來英法欲另造粵路通閩浙江皖亦可
援此阻止倘符鈞旨於容閱原議似須先行議停可免
藉口據呈拙見乞備鈞裁

總署來電

九月十二日

頃德使來晤以貴處蒸電與商海力持不可并云
德商請辦津鎮鐵路出自國家之意如果不允中
德交誼就此中止語甚決絕如由尊處逕電德華
許以由濟南接通幹路之利德華如允海使當無

急齋不彙 卷三十三
異詞否則勢難阻止希詳籌速復

寄總署總局 九月十三日

青島至濟沂約章已定今議由濟南接展與前案無涉
自可歸入商務願否應當自主乃海靖動以國勢相壓
如顧目前遷就又啟各國效尤法於粵英於漢必求通
彼族只顧各爭地勢不顧我如何還債將來路權盡屬
他人卽以佔路爲裂地之媒失利不敷還債尙在其次
宣懷旣蒙派總公司重任若不統籌直言何以仰副期
望頃函約德華俟面商再達惟海云出自國家則重在
佔路權恐非德華所能主竹筭侍郎與德華極相契十

五六到京乞與熟籌

又九月十四日

頃晤德華許以濟南接通幹路之利而勸阻津鎮據云德華有專辦鐵路人歐貝斯在京來電祇云已開議若使北接幹路南亦宜接至鎮江津鎮如與盧漢合爲一氣不互爭卽不致虧蝕等語此事能設法拒絕可省枝節不少倘勢難阻止與其聽德獨造尙不如英德合造與其由豫省尙不如山東稍遠與其另起爐竈尙不如總公司稍有羈勒且可於盧漢兼籌挹注將來不致互爭鈞署若至阻無可阻或請推到總公司飭與該銀行

籌議但宜與彼訂明須與華公司權利無礙方能請
旨核准此不得已之苦衷乞備鈞裁

寄胡雲楣京兆

九月十五日

盧溝滋事似兩造俱錯經公查辦諒可速結張道想已
面稟諸費蓋籌

寄總署總局

九月二十三日

伍使來函美商十萬押款已交存紐約銀行現派總工
程司帕慎士帶副手數人來華照原議先將全路勘繪
估計用款若干再發小票交銀事甚可靠等語昨經理
人帶工師到滬卽須由粵勘測入湘往前經湖督湘撫

會派委員學生由鄂湘試勘至粵已平安行抵粵界爲
洋工覆勘底本頃電商粵督派一幹員會同總公司委
員及洋參贊李治美工師帕慎士等由廣州勘起並須
通行地方官認真照料免滋事端美商以薪費甚重不
願擔擱且粵漢路法與英皆甚覬覦屢言美若不辦法
必要辦英亦注意漢口事關重大似未可宕延致生波
折可否請鈞署代奏電飭粵督查照辦理應如何辦法
均由總公司隨時咨商以期妥速並乞示遵

總署來電 九月二十七日

九廣鐵路事前冬電俟美公司下月到滬再與說

開嗣接漾電知美經理人已到滬究竟說開與否
未據電復昨美使函稱尊處與怡和定立九廣合
同請署電尊處切須展緩十日俟美公司經理人
來京與之相商再行辦理等語此事應由尊處與
之議明未便任其來署曉瀆

寄總署總局

九月二十七日

九廣鐵路美商柏許到滬卽與辯論柏電公司據復請
俟美與英自行商酌再定宣卽告以英斷不肯讓英且
覬粵漢路不可因小失大柏來華應謁公使似不全因
此事伍使函稱美聞九廣爲英承辦頗有煩言今總署

既已允英自無庸議將來再有與幹路連接通至海濱者望照約商辦彼亦當俯首等語柏亦有此意美使如赴鈞署饒舌請即推到總公司理論

寄峴帥

十月初八日

尊指一意聯英美日救時苦心謹當銘佩頃據怡和復稱濟甯至天津德國不允別國代辦濟甯至鎮江英商仍可借款與總公司辦如鈞處與總公司願照滬甯借英款須速函致聲明此意怡和即能從中設法使德國不能越濟甯一步此所謂先下手等語德使在總署催甚急如不欲德路人江南須請速電總署如能將鎮律

全路悉由總公司借款自辦固可保全南北大局如果不能先將鎮江至濟甯歸總公司借怡和款自辦以保江南此須出自鈞意宣方推卸之不暇實不敢再事招攬

峴帥來電 十月初九日

敝處今日已電譯署鎮津鐵路上策不辦次則歸總公司辦又次則請英美合辦本出鄙意承示容卽函商

湘撫俞虞帥致鄂督張香帥電 十月初九日

會匪吳大棟等在廣西川州賀縣起事犯白沙殺

局員其勢方張地屬三省毘連湘邊喫緊廉已飛
調張慶雲等節節進紮增防會勦再有警信尙應
添兵因思美工師勘路適逢其時當此人心惶惶
百姓見有洋人更易紛聚伏莽卽乘之而起實屬
可慮應請商之盛京卿或照原議由粵而湘或從
緩勘或改他途此時斷不可急急入湘以免蹈險
統乞維持商定賜復如須商總署求挈銜電達

峴帥來電

十月初十日

頃又電譯署請將津鎮兩路由尊處借款自辦或
先辦鎮濟一路電公仍與怡和妥商以杜德之南

圖謹聞

又 十月十四日

頃總署元電復稱德使索辦津鎮鐵路本處慮德人權利過重屢經拒駁彼始約英使為德英銀行合辦之議尊意由英辦濟鎮一路不令德轍南下則濟甯北達畿輔必專歸德辦勢成偏重似不如全路兩銀行合辦之均有牽制英使但言匯豐未提怡和未便由我致商德英二使均明言不願與總公司商辦現即奏請派員與該銀行商辦以收事權等因謹聞公意如何尚祈酌示

寄峴帥 十月十五日

總署謂甯使英德合辦全路不使偏重用意甚當惟聞德使所議津鎮合同係由總理衙門內之路礦總局代中國國家與德華銀行及匯豐共議者是其屬意欲離開商務爲日後勒佔地步中國近日情形交涉已無關攔商務尙存公例故遇有華商出面之事國家尙可推諉軒旋彼亦礙於公例未便任情要挾津鎮旣撇開公例甯滬粵漢正約未定其勢恐將援案效尤卽已定之盧漢亦慮反覆從此中國欲託商務公例爲躲避之地亦不可得矣今英德兩使明言不願與總公司商辦莫

若由路礦總局另立公司出名與該銀行訂辦總須銷去總署總局代中國國家字樣但使不能撇開商務則將來勒佔之患可免各路效尤之患亦可免請公迅電總署挽回全局其機甚微而關係極大非公孰能肩此

又 十月十七日

萍鄉煤宜煉鐵已奏准由鐵政派員自採自運目前煤少運艱暫不准各礦另售頃接萍鄉縣電金陵火藥局派廖守備到萍辦煤飭縣保護若准辦恐彼此爭售煤價船價皆飛漲云乞賜查明有無其事上海煤價近已跌至六兩金陵近滬遠萍必萍貴於滬可否飭廖改赴

滬辦如必要萍煤可否由鐵政照價分撥藉免爭貴瑣
瀆乞示

峴帥來電 十月十七日

洋火藥局並未派人到萍辦煤明係假冒應卽驅
逐以後各礦不准另售以顧鐵政運路

寄峴帥 十月十七日

英爵提督議院大紳貝思福及其繙譯前稅務司葛德
立書啟葛藟由漢赴蕪准二十六到甯謁見請代懇鈞
處可否派一兵輪二十四早到蕪湖俾得乘坐到甯擬
面談後請一看金陵以下礮台屬爲先容該提督此來

愚齊存彙 卷三十三
大有深心中英離合關係極重尊意聯英擬請格外優待餘容函達

寄王夔石尙書 十月十九日

津鎮事據怡和云匯豐京寄合同底稿言明合同係總理衙門之路礦總局代中國國家與德華及匯豐併代怡和共代英國銀公司出面等語適峴帥轉示署電德英二使明言不願與總公司商辦似係撇開商務專認國家因與峴帥香帥論及甯滬粵漢正約未定恐英美效尤比亦從之因各國本不願歸商務皆願向國家議辦在總公司藉輕仔肩求之不得但此後操縱愈難總

公司所定合同三件比較俄法德東三省龍州膠州三路得失昭然九月十四電鈞署後不敢再言昨峴帥電詢津鎮如何補救不得已擬請另立公司與德英公司議辦措詞失當實具苦心現派何人乞密示

總署來電 十月十九日

前允英商承造鐵路五處內除津鎮另議外餘與怡和商定畫押者某處未定者某處希即電復

寄總署 十月十九日

前奉文與英商怡和妥訂三路章程蘇浙一路草合同已畫押呈送並派員勘路浦信一路已與江督皖撫商

愚齋不彙 卷三十三
三
妥怡和催辦仍照蘇浙草合同訂定卽日畫押呈送廣
九一路粵督來咨亦已允行美公司經理人柏許出京
據稱英美兩使已允和衷商辦俟倫敦信再畫押

總署來電 十月二十二日

來函擬將台閩海綫售讓日本所籌甚妥卽照辦

寄總署 十月二十四日

台閩海綫遭於二十四畫押蒲信草合同亦定二十四
畫押另文呈送

寄俞虞軒中丞 十月二十七日

總署宥電開頃美康使恐勘路人被湘民阻擾函請預

籌切實辦法保護勘路人免受驚恐卽希於會同出示
內敘明奉 旨辦理此路字樣并嚴飭各該地方官竭
力保護倘美工師經過之處或有百姓阻擾情事惟該
地方官是問請轉電湘撫粵督并電復等因查美工師
十人由漢赴粵勘路總署有支電達尊處妥爲保護宣
到鄂後與香帥同接總署號電粵漢鐵路係奏准辦理
所有派員帶同美工師一路往勘應由尊處會同湘粵
督撫出示曉諭飭屬照約保護云該美工師頭批六人
已於二十七由武昌起程香帥與敝處會委候補陳道
兆葵知縣董治勛李鴻文學生吳應科羅國瑞等沿途

測量約日行二十里其總工程師等四人訂於十一月
半左右由水路抵岳州與頭批六人取齊再由岳州測
量至長沙以達粵除飛咨外聞尊處已派文武大員迎
護並已由香帥咨飭地方官帶同公正紳士親身伴送
至出境交下站爲止鄂派弁勇送至湘界尊處應先期
遴派弁勇若干名到界迎待鄂見如蒙酌派蔣守德鈞
黃中翰忠浩旣協鄉情尤資軍衛必能妥洽前次法人
由桂至湘私勘道路係由黃君保護並未滋事蔣亦才
堪幹濟身任不辭諸乞裁定所需告示請尊處主稿挈
銜徑發以期迅速

寄總署 十月二十八日

美工師於湘省勘路力求切實保護已將鈞電面商香帥轉電湘粵遵照會同出示敘明奉 旨辦理此路美工師係受華官延聘自行造路以保利權於地方有益無損所過州縣地方官應率同紳士竭力保護并預爲切實曉諭勿使臨時阻擾該工師頭班六人已於二十七由武昌起程鄂督派員帶兵數十名護送其總工程師等四人訂期由水路赴岳州取齊已電請湘撫遴派員紳到交界處迎護在湘紳旣遞公呈在前願造湘路並經督撫派員督同學生先勘一次並無異詞惟此次

美工程師十名沿途測量湘民多疑難保不煽動觀聽保護自較他省稍難然已成之局萬難中止且自己不辦他人亦必強之使辦更多棘手大約祇要湘中所派員紳得力或可無虞掣肘上次法人由桂人湘私勘路曠係派統領黃忠浩保護並未滋事美工程師現由岳州入境如派駐岳統領蔣德鈞及黃忠浩二人責成保護既洽鄉情尤資軍衛必可妥貼除電商外可否乞鈞署徑電湘撫迅速酌定以昭慎重

總署來電

十月二十八日

比使照稱鐵路借款股票式應行改正數端仍請

慶大臣代畫押等語本署覆以應由該國總工程
司與執事商辦希會商核奪另咨達

長沙俞中丞來電

十月二十九日兼致張香帥

前接總署支電當派趙守宜深等在岳守候接護
並微電請憲台轉達杏公茲承示期復飭趙守並
總兵陶廷樑帶弁勇一哨妥護茲加派蔣郎中德
鈞赴岳同送至粵界爲止各地方官已迭次函札
令帶正紳各在交界親身送交下站竭力保護告
示道當切實整敘徑發免遲前勦係張提督慶雲
保護現在江華辦防黃中書營務難離并聞

駐京比使來電 十月二十九日

前已由法領事與貴大臣致知本大臣日昨奉命將盧漢鐵路借款正票格式已向總署查明辦理現接總署回文先應歸貴大臣商辦是以本大臣相應將股票格式一併電達即請議妥作速電知總署允准至要

又十一月初一日

在股票正面繕寫大清國遵查光緒二十四年六月二十四日欽奉旨上諭於西歷一千八百九十八年大清國修路借款事其總數係金錢一百十

二兆五十萬佛郎給發無名股分票款價值五百佛郎此票內填幾號按年起息二十五佛郎每年各六箇月於西歷三月初一九月初一日給收於二十年期抽號均統歸第一次抽號在一千九百零九年正月第二禮拜二日是日所有抽出此借款由中國應允與大清國鐵路總局將此票酌設出給該款內之分數按照以上諭旨總署業已照會大比國駐京欽差大臣一此借款係專爲建造鐵路由北京附近盧溝橋起以達湖北省漢口域之用二除中國國家原有事權大旨外此鐵路

及所生之利係特等擔保給與該項股票三直隸
湖廣總督鐵路督辦大臣特奉將各股票畫押蓋
印並保給利還本是實並遵光緒二十四年月日
上諭命總督大臣等給與中國駐紮法國使臣
特據代爲辦理此票中國終始永不收稅格外需
償而給發利息及掣出股票歸還本銀均在伯律
悉巴黎各城地方光緒二十四年月日中國駐紮
法國使臣代北洋大臣直隸總督湖廣總督鐵路
督辦大臣畫押在股票背面繕寫一恭錄光緒二
十四年六月二十四日大清國大皇帝諭旨二

鈔錄借款合同第一二三五七等款三設立借款
章程四遞年應還利息本銀數目表

寄總署 十一月初二日

合閩海綫售讓日本奉養電後已畫押頃聞東北公司
稟駐滬俄領事電俄使力爭尙待設法斡旋如矢使照
詢乞緩復

寄駐京比使 十一月初五日

股票改式甚費周章駐法使臣畫押一節國家斷難照
准如由駐比使臣代爲畫押尙可轉商總署

代香帥擬致長沙俞廩帥電 十一月初九日

接護勘路先派趙守陶鎮又添派蔣郎中同送至
粵界爲止並令地方官各帶正紳親身保護布置
周密甚佩蓋籌粵漢初因英法覬覦若援桂路便
歸入交涉案辦理無可措手故奏定借美款自辦
庶有範圍總署亦因此案係 旨派駐美使臣在
美畫押經兩國核准旣難中止亦難改道迭接總
署支號宥電屬於示內敘明奉 旨辦理此路或
有百姓阻擾惟該地方官是問云云良有以也前
接佳電所商或從緩勘或改他途經與美議皆謂
與原約不符故與杏孫商由鄂勘起大約勘至粵

後示人以必造英法可絕望而造路遲早我可自
主若此時奏請緩勘改途 朝廷亦未必肯與洋
人翻案徒使士民聞風起鬩仍不若竭力保護勘
路免致歧誤尊意然否乞示

總署來電 十一月初十日

台閩海綫售讓日本矢野迭催核准此事既有成
議且已畫押難以翻悔俄使因何轆轤卽電復

寄總署 十一月十一日

大北公司稟俄使擬與華局立約除各造允許外不准
再有水綫在中國口岸及各海島上岸傳遞報務頃調

韓巴使到鄂約明日議此事意在阻難日本擬告以台
閩綫甲午已歸日今已畫押鈞署核准與特准設立水
綫不同以後當立約禁止各綫如俄英詢及請復已核
准餘俟與巴使商妥再達

劉峴帥來電 十一月十二日

總署真電奉 旨中允黃思永片奏徐海待賑孔
亟請飭大理寺少卿盛宣懷記名道李徵庸候選
道嚴信厚先籌墊銀三五十萬兩交嚴作霖歸入
冬賑散放將來再籌勸捐歸補等語徐海災情甚
重 朝廷實深廬系黃思永所奏著劉坤一體察

情形酌核辦理電復欽此查徐海等屬飢民甚多
工賑並舉需款浩繁今冬已萬難支持來春更無
可設措連日請款文電紛至沓來坤與司道百計
騰挪實已智窮能索哀鴻遍野待哺嗷嗷憂急悚
惶寢食俱廢務求執事遵 旨籌墊巨款大力維
持體 兩宮好生之仁造萬姓無疆之福坤亦
得資藉手或可稍免罪孽以言感荷詎有涯量先
墊若干祈卽電復以便電奏無任企禱並請翰香
卽轉李道台閱看

又十一月十二日

卦電函牘悉滿信合同簡要請卽照押游學日本
省堂滬館各生不得不慎其選公學六生經尊處
選定自必超羣如令來省一見實所欣盼

寄戶部 十一月十二日

盧漢撥定昭信股票以江蘇廣東爲大宗江蘇僅解六
萬七千四百兩尙短四十九萬二千六百兩廣東僅解
十萬兩尙短三十八萬兩現在保正路工需款甚急外
洋料到付款刻不能緩伏求電催江粵速照部撥原數
解足俾免工程遲誤實爲公便

寄總署 十一月十七日

比領事來稱股票原議直隸總督湖廣總督鐵路大臣
畫押蓋印今請改出使大臣者實因小票數十萬張寄
至中國海洋往返恐有貽誤別無他意云

又十一月十七日

俄巴使到鄂詢及台閩海綫事告明緣由並與大東北
及日本商妥無礙彼此權利電局與日本所訂讓綫合
同悉照函呈底稿頃復照錄呈送日本屢催鈞署核准
照會請即准行

寄川督奎樂帥 十一月二十二日

聞周提督爲余匪所縛如確更難辦宜昌教案斃一洋

人士匪不淨鄂營恐難調何不商請峴帥調湘軍數營
聲勢一壯自能就範如久延法人必有要挾恐非議賂
所能了四明宜昌兩案法亦不平事關大局乞備鈞裁

奎樂帥來電

十一月二十六日

余之挾鐸留周藉以要挾惟有相機而行若從甯
調兵更恐緩不濟急已派三鎮在鄂自募承念並
及時事如斯隱憂同切

寄王夔石尙書

十一月二十九日

軌路已鋪到保定來年兩頭趕造三年可完北端孫鍾
祥可靠南端擬調鄭孝胥可與南皮聯絡鄭在總署無

用武地擬續假不願來奏調准否美人勘至長沙尙安
靜前請戶部電催江南廣東昭信股已發電否乞告志
先示復

總署來電 十一月二十九日

前接霰電大東北海綫事均商妥頃俄使函稱台
閩海綫售與日本若不按照二十二年中俄所立
合同一體辦理註明則大北海綫公司必受大虧
應設何法以保該公司利益請見復等語應如何
設法希查酌電復

寄總署 十一月三十日

台閩綫前接日本滬領事函稱政府已與東北公司商
允無異詞又據電局委員與東北公司駐滬總辦恒甯
生商訂密約以保二十二年合同利益故發霰電並將
合同由驛呈送昨據電員代恒甯生請電鈞署給日使
照會內註明此綫雖歸貴國祇能照原議傳遞台灣與
各處來往電報若要傳遞他項電報須先由中國電局
與東北兩公司議准以符中國與各國所訂約章而保
自主之權數語蓋俄英丹所慮日本得台閩綫後乃與
美國接通海綫所謂他項電報卽指此也昨已據情咨
呈如照會尙未給應請准其加入如已照會請再補給

便可無礙該公司利益

又十一月三十日

東北公司駐滬總辦恒甯生請訂密約總綱云擬於所
訂中俄英丹合同期內爲保護立約各造利權起見除
各造允許外不准再有水綫在中國口岸及中國管轄
各海島上岸不准與該水綫訂立傳遞報務等約亦不
准與華綫相接俾免該水綫與華綫及兩公司水綫爭
奪生意並損華綫及兩公司水綫之利權惟若中國內
地各處置設水綫非與訂約各造爭利者不在此例而
台閩水綫現在既歸日本自不應阻其台灣至各處電

報此外所有電報非經中國及兩公司允准該水綫不得傳遞等語此約電局與兩公司訂定請總署英俄兩使核准在兩公司慮美綫在日本相接以通中國奪其利益又洋報載德國擬設水綫至膠若因經費過鉅則先在中國沿海口岸置水綫與膠通報此尤中國大患擬乘此俄英丹願立密約准其照辦未知鈞意如何乞示

愚齋存彙卷第三十四目錄

電報十一

寄峴帥

寄香帥

寄王夔石大司農

寄總署

王夔石尙書來電

寄濟南李傅相

李傅相來電

香帥來電

寄香帥

香帥來電

總署來電

李傅相致其兄筱荃宮保電

總署來電

駐京比使來電

寄濟南李傅相

香帥來電

寄駐京比使

寄香帥

卷三十四 目錄

寄總署總局

香帥來電

總署來電

寄總署總局

寄香帥

又

香帥來電

寄李傅相

寄香帥

傅相來電

香帥來電

峴帥來電

寄峴帥

總署來電

又

香帥來電

寄總署總局

寄總署

寄總署總局

寄香帥

寄峴帥香帥

寄香帥

寄王夔帥

香帥來電

寄王夔翁

總署來電

寄總署

寄傅相

寄總署

李傅相來電

寄浙撫劉景帥浙藩惲方伯

寄總署總局

又

總署來電

李傅相來電

寄傅相

寄王尙書文韶

香帥來電

寄香帥

香帥來電

寄香帥

寄總署總局

香帥來電

寄香帥

香帥來電

寄香帥

寄太原何中丞福堃馬方伯鍾岱

香帥來電

寄香帥

香帥來電

寄香帥

又

又

香帥來電

寄香帥

又

香帥來電

寄香帥

香帥來電

寄香帥

愚齋存彙卷第三十四

電報十一

寄峴帥

光緒二十四年十二月十三日

王爵棠進勦余匪法教士已經生還可免要挾大局之幸

寄香帥

十二月十九日

叩辭後留大治兩日二十可到滬胡張相爭張面劾胡被徹派竹筴督辦張仍幫辦聞張請停盧漢專辦鎮江接至保定確是一條鞭辦法

寄王夔石大司農

十一月十九日

聞張又力圖盧漢謠傳半月後卽有明文皆德瑾琳主
之宣藉此脫肩甚好惟如大局何

寄總署

十二月二十日

電局與恆甯生所訂密約係預防他國水綫再到中國
口岸以保中國及該公司水綫利權而關係中國尤重
請勿告知他國免滋口舌有此密約將來如有人來佔
造該公司必助我拒之

王夔石尙書來電

十二月二十二日

效電所言乃國家巨蠹一時得志殆有氣數存焉
惟現旣得隴尙不致再望蜀訛言勿聽可也

寄濟南李傅相 光緒二十五年正月初一日

師何日回京河工籌款不易路工盧保已行車正定信
陽今年必完工比款不致變卦美工師勘湘粵路幸安
謐重慶宜昌渦陽土匪俱平但求各國不起難端有人
主持大局自可徐圖進境師回京後宣尙擬入都一行

李傅相來電 正月初三日

河務查勘月杪當可覆奏籌款極難聽候樞部議
辦尙有另查之件恐須春暮方能回京吾弟所處
地位疑謗不免盧保正定就緒似須藉查路之便

入覲爲安

香帥來電 正月初三日

新春大喜張翼欲停盧漢鐵路之議已經竹筠侍

郎駁止奉聞

寄香帥

正月初十日

竹簣侍郎佳電現議津鎮合同銀行欲添造德州至正
定枝路於盧漢有礙否云足見竹翁關懷去秋與德使
面議本止允其德州接至正定而不接天津嗣德使與
署商必欲至津則盧漢已成枯幹正擬籌商鄭州至開
封並至西安及正定至德州各枝路以助還債今山東
至正定亦歸德國如津鎮合同利權不致如膠濟之失

亦無分彼此否則不如歸盧漢枝路鈞意如何乞速示
以便電復

香帥來電 正月十一日

盧漢居中爲中國命脈造成則全盤皆活津鎮沿
海造成於中國有損無益然以獲利計則津鎮路
短而見利速盧漢路長而收效遲我輩爲大局計
舍其易而取其難總署本不應再造津鎮一路以
困我今已無可奈何則無論其合同利權輕重總
不可更令其奪我枝路請電竹筠侍郎力爭所有
應辦各枝路亦祈一併及早酌奪會奏不然德奪

於東英奪於西所有枝葉全爲商人剪去真無發生之路矣

總署來電 正月十六日

晉豫至襄陽鐵路先未商定起訖似應在懷慶澤州交界之間然此時無從懸斷福公司何時到滬本署亦無所聞應俟該公司有人到滬時由尊處與商大概再電本署酌核

李傅相致其兄筱荃宮保電 正月二十二日

陳秉和因東人攻擊張撫 旨令查看覆以尙能勝任遂痛劾張並遷怒於弟竟有日費千金筵宴

萬金之謬說實則照常例供應毫無分外逢迎狂
吠可笑現會查學使事並勘河工將就緒擬覆奏
後卽回京望告知杏孫及方兒

總署來電

正月二十四日

福公司擬造晉豫至襄陽鐵路專爲運礦產至水
口起見原議未經詳叙經過地段現應由澤州懷
慶交界之處造至衛輝與盧漢幹路相接再在汝
信一帶接造西至襄陽如此僅於盧漢南北各添
枝路與幹路無礙且可收礦產運腳希俟福公司
就商時通籌妥辦電復

駐京比使來電 二月初一日

彼此至好無事不可相商所有漢陽鐵廠事宜卽
希貴大臣垂青指明在先本國人管理實貴大臣
所給之利益如承慨允本大臣卽日電知本國將
貴大臣美意告知本國人囑其將來抵漢陽鐵廠
妥實從事本大臣今春回國定將所有情形面告
本管銀行首事諒該銀行定然快悅妥辦更要如
貴大臣之意本大臣下月回國之便必經上海再
與貴大臣晤面也

寄濟南李傅相 二月初二日

意大利以兩兵艦佔踞台州沙門灣若允租恐美日粵
必效尤德貞赴南洋索辦長江礦務峴帥頗有准意

香帥來電
二月初六日

頃接德國祿副領事照會奉駐京大臣海札現議
比國租界務與德國租界通於鐵路總站無傷及
總站不必因開比界再往遠挪至原許通德界支
路如不細細照辦德國應不准盧漢鐵路已開之
工再行續作等語日聞德領事將來面催看此情
形此事斷不能含糊延宕除咨達外特電商應如
何籌辦答復之處祈卓裁迅即電示爲禱

寄駐京比使 二月初七日

漢陽鐵廠現用貴國工匠必須郭格哩廠實心幫助又須公司按照盧漢合同辦理本大臣甚願貴大臣回國過滬時面晤也

寄香帥 二月初七日

昨接祿副領事照會正在摘叙十一月二十七咨呈內事理照復頃奉語電將來漢口應造枝路分設車站總公司自有妥當辦法以便中外商民目前地基尙未買齊以致路線未能卽定斷難先定分站處所至比索租地亦未議妥路線均過各租界背後斷無傷害亦不遠

挪乞先屬關道轉復祿領事

寄總署總局 二月十三日

美國特派律師坎理到滬議立正約大致不出伍使所
訂草約範圍惟送來鐵路相近處開礦章程意在必辦
伍使前因美公司必欲兼辦礦如不允礦則路債不成
其時法欲勒造粵路亟圖美成故商之香帥允立專條
語尙活動此次對坎理云礦路總局奏定新章路礦不
能兼辦坎理云美約在前不應阻止竊思湘粵礦甚多
英法皆覬覦與其用英法而礙大局尙不及用美款但
管見中國財產莫大於礦目前雖不得不借資洋力將

來學堂人材輩出不難自辦轉貧弱爲富强實有關係
若照山西四川一紙合同卽以全省六十年無限地利
悉歸外人名曰華股實皆洋股且恐藉開礦而漸及派
兵保護佔利竟致佔地恐貽後悔擬請嗣後洋款辦礦
不得擅指全省止可就礦言礦譬如辦開平煤礦只就
開平而言推及一郡一縣則已多矣至路礦勿兼自係
杜洋人索路併索礦也若中國自造路自開礦想不在
禁例如美議路約必欲請借款開礦擬由總公司另舉
華商就近路處所指明若干處酌照山西章程嚴定界
限所收礦利悉歸路礦總局倘路利不足還路債可將

礦利補湊免累公中似亦有益無損乞鈞裁示復

香帥來電 二月十五日

庚電已札關道照復德領事矣惟海使驕橫喜功
德領事屢次來文詞意堅悍德界造支路一事似
意在必成斷非空言所能搪塞京師近事已可見
及若空言推宕設彼竟阻鐵路開工豈不更難轉
圜來電謂難先定分站處所而不明言允設分站
與否彼必不干休徒費筆舌而已蓋彼所求者德
界造支路非欲先定處所也若允其將來修支路
接德界則雖俟路線買定總站設定後再議及在

德界何處設站彼當亦無詞務祈即日迅速妥酌
明示以便答復台旃何日北行并示

總署來電 二月十五日

粵漢合同專條聲明路工告竣之後總公司果奉
政府明文准在此路附近採煤委該公司辦理現
甫議開工豈能議及且上年五月本署與法使議
定專條廣東廣西開採礦務延用法國礦師廠商
商辦尤未便率允美商希查照駁阻

寄總署總局 二月十六日

九廣草約均照蘇杭浦信惟添一款云彼此允准嗣後

議訂妥善有益行車章程即係此路車輛與鐵路總公
司及美國合興公司議造粵漢鐵路車輛互相聯接以
及客貨轉車價目等事有此一條美商尤允洽

寄香帥 二月十七日

德詞驕悍然豈能阻鐵路開工若竟硬阻似可據理辨
駁比法借款關係亦必有詞惟德界造支路意在必成
總公司照復祿領事亦未拒絕但須照各國路例應歸
請造支路車站者自行出費藉免大眾效尤中國洋務
不防一處喫虧止防處處效尤擬請關道轉詢其何人
出費如不要總公司出費即無慮他國援引便可照允

想鈞意亦以效尤爲慮也北行擬俟美約議定約須春暮

又二月十九日

德領事面議時求告其所以然只要該租界自籌經費即可允設否則小田切亦云各國必援引海靖非爲便其租界特欲爲各國各埠發此難端資其焜耀而比法英美借款者又藉口礙其本利事雖極小竟無別法乞鈞裁有無兩全之計

香帥來電 二月二十一日

今德副領事與柯達士來見仍前堅執不肯稍讓

因與商調停之法云德界後邊界至幹路不過一里修枝路費有限修路費由彼認買地費由公司出彼仍不允又與商云現在路線未定將來幹路假如稍移靠東或可竟切德界西北角如何彼云如幹路經過德界後有一處相連自可不必另修枝路矣否則必須另設領事又云倘慮他國效尤可暗中由公司出費修路明則作爲德國出費則他處無可藉口且德界係因失去利益而請另修枝路補償事出有因他處情形不同亦不能援例等語查此處德界情形由外增日本租界而起實

與他處略有區別效尤一層似亦不必過慮但不
知幹路能略爲東移與德界西北角有一處相切
否如幹路必不能移近德界則彼所請公司暗中
出費而以德國出名自修或尙是調停之法抑或
別有何妥善辦法務望卽示其詞橫悍異常德藩
不日將到此事不了必生枝節領事已明言之彼
必欲卽日定議電復公使弟再三辯駁始允再候
三日與尊處妥商斷非空言所能推宕因小事而
生大波亦屬不值若幹路之線稍移近德界不知
買地之費與代伊造枝路之費相差幾何此策可

免他國援例似爲最善至枝路雖修其由總站拖
運至德界邊之費應歸德商出彼已應允務請妥
酌籌一切實辦法卽日電復至禱

寄李傅相 二月二十三日

鈞駕抵京甚慰現議蘇杭粵漢兩正約畫押卽北上意
事未定聞德兵由日照上岸又起波瀾滬謠甚劇

寄香帥 二月二十三日

幹路能否與德界相切現因購地阻難尙難預定頃遵
囑再三與總工程司籌商倘幹路離德界尙遠總公司
應允代作枝路由總站通於德界邊請轉達德領事放

心惟造路及將來拖運之費應由德界酌量津貼總公
司自當關顧以上情形格外通融且德界既願出拖運
之費而造路經費甚屬有限想德領事應不惜此區區
使總公司受無窮效尤之累茲已飭總工程司沙多回
漢時與德領事面商

傅相來電

二月二十四日

德兵橫行似有久踞意毓撫任性恐激事端意事
暫緩

香帥來電

二月二十八日

查運費德領事業已願出造路費德領事已定不

出若照尊意令德界酌量津貼彼斷不允此時只
可由敝處認出此費方能早日了事且可免他處
效尤公司破例前日已飭關道與彼議定若幹路
路線將來能移近德界不拘何處有一處與德界
後邊界相切則無庸添設枝路若幹路與德界後
界離開則由敝處籌款交由鐵路公司造一至短
枝路由幹路通至德界後邊界爲止此因從前有
添日界許修路兩層故敝處從中調停了事他處
及他國均不能援以爲例至將來一切運費德界
認出所有行車時刻車輛數目一切詳細章程應

由公司妥酌務與公司章程有便而無礙等語並
已札關道照會德領事矣但與德領事言則造路
之費全係敝處所出以免公司受效尤之累而密
商辦法則除地價自應由公司出外其造路費公
司與敝處各認一半至公司將來如何於他處酌
量補還鄂省利益之處則從容商酌可也祈將以
上與德領事議定辦法飭知比工程司庶與德領
事商議不致兩歧爲禱

峴帥來電

三月十七日

總署鈺電奉旨近年各省多有創設機器製造

槍礮彈藥並紡紗織布各項工廠商務等局由官
開辦者著各督撫查明該省各局所共有幾處卽
將現辦情形詳晰電奏欽此除分飭遵照外查尊
處之華盛廠是官辦抑商辦此外絲紗各廠是否
並由公督辦祈分晰電知爲荷

寄峴帥 三月十七日

上海祇有華盛華新大純裕源裕晉五紗廠皆係商本
商辦十九年李中堂奏明由宣懷督其成馬關條約准
開洋廠乃有怡和瑞記公茂鴻源四洋廠互相爭軋虧
折甚鉅洋商力足華商難支裕晉華廠已改協隆洋廠

現存僅止四廠勢甚危殆至絲廠皆係華洋商自辦宣
不過問

總署來電 三月二十二日

萍鄉合同德使照請立案查第七款以招商局上
海洋涇濱各項產業作保該局雖係商辦向歸南
北洋大臣主持曾否商允南北洋有案希電復以
憑核辦

又三月二十二日

香帥馬電前德日兩國皆明言不許比人租界二
月間因添日本租界德領事照會將阻止盧漢鐵

路不准興工費無數口舌允其添造一枝路達於
德界邊始允了事今若又添比界兩國責言必更
橫暴現聞比國費使在滬與盛京卿議仍欲在漢
口開設比國公會巧變名目辦法實與租界絲毫
無異萬不可行等語查費使屢索租界經署始終
堅拒嗣接香帥寄電謂祇有一法由鐵路公司在
公司地段內修造洋房若干間借與比工師人居
住不取其租數年後路工既完回國仍將屋交還
總公司費不甚鉅而可免交涉無窮之害又不占
公司行棧地基之利最爲妥善等語查香帥所慮

甚爲周密署執此屢與費使磋磨望執事據哥電
力持勿輕許以公會辦法致滋後患

香帥來電 三月二十二日

比人在漢作工只可總公司造洋房借與居住今
來函所言乃是要租界耳比領事雖與閣下面言
此係兩國商民通融商辦不與國家干涉名其地
爲比國公會不名租界而細閱所擬合同首列三
銜條款內載華民之地每方給銀十兩洋人之地
均歸其管轄指定之地惟比公會得以租賣云云
則明明是與中國官訂立合同抑勒華洋地主割

地與租界有何區別侮弄中國直如兒戲即使伊
捨路局而要挾政府亦不過如此而已如此辦法
不特有違中比原約華洋地主必不甘心且德日
兩國均有照會不願比添租界必然作梗大生枝
節查日本領事照會云日本原不止索百丈如添
比界則日界亦須增拓云云此其明證也若將來
德日責言阻止鐵路工程尊處固不能禁制恐總
署亦無策禁制之矣總署來電亦云此事總屬礙
難允許是署意已甚堅定弟亦萬不敢當此重咎
此事除照敝處上月寄電所言辦法外更無辦法

愚齋存稿 卷三十四
務望萬勿鬆勁通融切禱恐費使向閣下纏擾頃
已電總署速電尊處駁拒以便閣下見比人時易
於措詞嚴拒也

寄總署總局 三月二十四日

萍鄉煤礦集股五十萬開辦三年現已每日出煤二三
百噸本年鐵廠焦炭已敷用俟鐵路造好每日可運數
千噸足供輪船車路之用因僱用德礦師禮和墊購機
價已鉅議借馬克分十二年攤還每年約還十萬兩此
礦足可自籌必不累及保人煤礦止作抵借不歸彼辦
禮和自得借息不沾餘利與川晉合同迥異礦股之中

輪船公司聲明較著第七款止作保人亦不爲抵押但
既借洋款須使其放心免生枝節且該公司悉係股商
產業本不出售抵押於人僅以作保毫無所損得一煤
礦輪船大益南北洋鄂督並已咨明在案昨禮和函催
如逾期恐變卦萍礦若中止開平現爲水浸鐵廠無焦
炭勢必停罷鐵路盡買洋軌輪船盡用洋煤漏卮極大
並恐萍礦一蹶亦爲洋人所得乞俯諒苦心迅賜核准
以維三局

寄總署 二月二十四日

奉養電費使已行查比索租界自可不允比領事屢藉

鐵路比匠眾多懇商租地造屋作比公會香帥謂其巧
立名目誠所難免費使到滬復請調停並允三十年鐵
路期滿由總公司照原價收回稍與租界有別宣止允
其電鄂並未輕許接香帥簡電恐德日責言阻止卽已
回絕矣

寄總署總局 三月二十四日

鄂省鍊鐵無煤官辦商辦皆受鉅累今得萍礦已鍊成
鋼軌萬噸槍礮廠亦合用是該廠轉機在此煤礦英提
督貝思福德藩皆往漢陽大冶細看鐵廠鐵山若因煤
缺中上彼族必覬覦因彼族視鐵廠頗重也

寄香帥 三月二十五日

費使求地本止允其電請鈞示斷不輕許蒙指示周詳
卽合繙譯摘要轉告費尙力言三十年原價歸還與租
界不同當告以無論如何不能照辦昨費使已行矣

寄峴帥香帥 四月十三日

剛相往江南一帶查辦事件未知何指意有五艦來華
已到三隻水師提督意使均到滬

寄香帥 四月十三日

初一二兩函諒蒙鈞鑒署電滬甯路照議緩辦惟據怡
和匯豐言俄欲由旅順造路至承德熱河直達京都英

愚齋存真 卷三十四
以礙榆營借款詰俄俄答以不肯新約現尙相持竊恐
英俄說合則大局可慮有無離閒兩大之策以救危機
寄王夔帥 四月十四日

意使到滬十餘日水師提督帶五艦並運船一艦已到
四號其外部換人尙無定議意甚貧水師來者約千人
決不敢離海口可無深慮惟意使逗留不進京聞英暗
許彼租沙門灣其兵船難保不往佔住昨有人探其消
息只要有下臺便可無事意有議紳侯爵在滬似可調
停惜上海無人能於無意中與彼周旋

香帥來電 四月十四日

萍鄴煤事敝處未見明文想譌傳耳英款滬甯美
款粵漢俱有翻異不勝焦灼聞德本欲自造濟南
至沂州一段鐵路隔斷我津鎮之路許竹筠力爭
言彼若不讓則我津鎮路不修海靖初甚橫悍不
理嗣因海旋即撤回臨行時海自轉圖津鎮路已
全讓歸我修尊處想已知矣今英美兩國反覆似
可電懇竹筠設法爭論

寄王夔翁

四月十五日

今日意使對太晤士報館人云已改計不要佔地只要
沙門對面一小島爲屯煤處並索造沙門至杭州鐵路

愚齋存彙 卷三十四
爲下臺此信與昨日所探消息相符而英領事來談尙
稱訓條未到

總署來電 四月十七日

俄公司擬由東省鐵路添枝路至北京本署堅拒
不允並告以嗣後概不允他國借款接築至京聞
比公司有由盧溝橋接至彰儀門之說如有此請
希力阻免貽口實爲要

寄總署 四月十七日

俄公司欲添枝路至京事關大局斷不可允亦不准他
國借款接築以杜藉口比公司請接至彰儀門雖有此

說自應遵照阻止

寄傅相

四月二十二日

滬甯改作華洋合股未知廷議如何粵漢擬訂五十年再還本五十年內只將車利付息而本可還可不還到期如不能還本仍可借款還款似無後患屆時路利必好借款必易萍煤甚佳商局亦需煤用今年已出煤兩萬噸借款以礦作抵商局僅作保如當年北洋保匯豐借款故事僅指洋涇濱一處棧房產業作保各碼頭及輪船均不在內此局師所創宣亦半生辛苦何肯輕擲如有不知實情者乞代解釋一俟招股充足卽還借款

也
寄總署 四月二十三號

美公司派律師坎理來議粵漢續約送來十七款所求
權利大過盧漢並照伍訂原約誤會要素甚多若竟放
鬆不特路利悉爲彼佔尤恐他路效尤另生枝節但美
商視利較重勢須稍寬銜勒現亦訂請律師駁復另議
坎理意在忙中覓錯故懇其使署催辦乞告美使須勸
坎理公平妥議無礙他約總公司方能酌定奏咨

李傅相來電 四月二十五日

華洋合股王趙奏定路礦章程本有此議張翼前

亦面奏嗣津鎮與德英銀行議皆不允乃改保利
保本滬甯欲改合股彼必不允如定議當無駁斥
粵漢能照議辦理否萍煤以礦抵棧房作保煤產
自可還債署有違言曾切告之剛此行意在搜括
巨款恐南洋將商局送禮望設法備禦保護時事
日急變態日多真不知所就也

寄浙撫劉景帥浙藩惲方伯

四月二十九日

意部易人並無戰志但想下臺而已三艦在滬餘皆颺
去

寄總署總局

五月初四日

粵漢路約與美律師磋磨兩月將可合攏其本准遲至五十年歸還先還亦聽我便此較穩妥惟彼力爭事權謂華官常易人非全權屬洋員難售借票曉以借款既須中國還本利華官必須事事有核准之權現擬援津鎮設管理處怡和鈔來洋文合同華員二洋員三恐有錯乞將津鎮草約速賜鈔示以憑校對免爲朦蔽

又五月初四日

怡和接倫敦復電請改爲華洋合股公司總局設上海招各國股分先提股息七八釐餘利華洋公分如欲贖回須看生意濃淡加給票價較前遞條款稍好宣答以

與原議不符斷難商議揣其意不致堅持惟各路並舉保本保利在我亦宜通籌利害管見擬先定粵漢路還本可期五十年後屆時商務大興不難借輕息之款還美俟美約議定再商英約未知鈞意如何乞訓示

總署來電

五月初七日

怡和改議華洋合股近華商物力日絀集股殊無把握甚或以洋款報作華股有名無實致滋流弊應由尊處通籌先將議辦情形電知本署再定滬甯路我本不亟可俟美約議後再商惟不知英有異議否又五十年還本是否至五十年還清津鎮

合同卽鈔寄洋員多一人因有洋工程司在內耳

李傅相來電 五月二十六日

徐相奏商局規模日拓電線布滿二十一行省獲利不資盈餘未曾歸公每年收支亦未報部現經廷臣會議請旨嚴飭執事迅將經管各項逐年收支數目限兩箇月開具清單報明戶部備核並酌定餘利歸公章程專案奏明嗣後按年提存候撥日內入奏必蒙俞允弟須預籌辦法兩局皆商股集成股利不可短欠公積能否酌提報効希

酌

寄傅相 五月二十六日

兩局事如照議專交宣處籌復 國計商情必能兼顧
傳聞交剛相會查股票忽大落德國日本皆設輪船公
司來華明年怡太合同期滿難保不有爭鬪又聞德造
膠州海線欲通津滬正在設法抵禦此中艱危情狀乞
與當軸透切言之

寄王尙書文韶 五月二十八日

近仁不達商務恐大張旂鼓敗壞兩局德國現將造青
島海線以通津滬各海口正擬與大東北商阻怡太輪
船合同來年滿期華商力薄易散難聚 廷議入告時

務求嚴飭敝處籌復免得另生枝節國計商情方可兼顧

香帥來電 六月十二日

昨准大咨送日本在大冶通易煤鐵合同查大冶鐵產富饒而中國焦煤短缺以有餘之鐵隨時酌易急需之炭未始非計故前此和田來鄂面談弟屬其到滬與閣下妥商辦法惟細閱此次所訂合同不無過慮合同以五十年爲滿試辦之事爲期未免過久設或佳鐵不多豈不於自用有礙一也限定每年賣鐵石頓數價值亦嫌太廉操縱似欠

自如二也以上二端似均宜詳酌略放活動似先定三年或五年爲妥此時合同已定不知尙能設法更改否又此事有關大冶礦山似須咨明總署以免局外妄議尊意如何並祈酌示爲盼

寄香帥 六月十五日

日本通易煤鐵一事和田自鄂回滬急於成議本欲將合同稿寄請覆核並調大冶礦師來滬商酌成色小田切力請此事已奉憲台面允和田急欲回國立待簽定繼思去冬曾亦面蒙鈞諭有益無損伊籐又有函來此時日本若援俄德英意成案索辦一礦自開自運何難

之有今拒其租山自挖之請而歐亞礦廠通易有無誠
爲彼此利益況已煉之鋼鐵可售我正苦乏焦炭先售
以未煉之鐵石併易其可煉鐵石之焦計亦良得至治
鐵數百年無盡之藏歲售五萬噸十五年計之不過七
十五萬噸爲數甚少近又勘員九江鐵礦防人覬覦似
不患其缺鐵也惟所定礦質太劣愈形其價值太廉爭
論再四不肯稍加特於第三論價值條內言明光緒二
十七年十一月止期滿價值再行酌定此卽操縱活動
處與鈞意先定三年符合昨小田切商請免稅復以出
口稅斷不能免如日本商輪赴石灰室裝載須由漢關

報明估價抽稅或將礦石運滬交貨亦須在滬關完稅
小田回國尚無復信本擬俟宣進京時咨署可免誤會
因美約稽滯約秋初北上蓋慮周密自應趕緊辦咨
礦何時奏復輪電開平義應報効然商情疑是招股更
無望矣

香帥來電 六月十五日

昨江蘇候補道前上海縣黃承暄來見言及萍鄉
煤礦借款事云萍紳多不願欲聞現在辦法並已
託人函致尊處探詢等語弟當答以此事現正查
商尙未知實在情形惟聞招商局歷年用煤不少

以商局擔保借洋款百二十萬歷年止還十餘萬
爲數不鉅必能還清商借商還似尙無大礙而以
此款擴充萍鄉於地方生計則大有利益本地紳
士儘可附股現做處正與盛京堂商議爲本地紳
富多留股分云云黃道唯唯而去查黃係萍紳此
次雖藉他事來見但窺其意似專爲諸紳探聽此
事而來必因萍鄉利厚欲分餘利若不多留股分
浮議必多查來咨云將章程股票刊就送江西撫
院就近招股以同樂利云云辦法極妥尊意擬留
股分若干成祈卽酌示以便早日復奏至盼卽祈

電復

寄香帥 六月十六日

萍鄉股票擬定一百萬兩鐵廠鐵路輪船入股五十萬
在三局本無餘力因其需煤不得不顧大局其餘五十
萬尙未招動可先儘江西紳富入股餘剩再向他省招
集但所認股分須限六箇月繳足以免觀望貽誤乞彙
入奏復

寄總署總局 七月初九日

粵漢路借款詳細合同美國律師爭權爭利不遺餘力
磋磨數月並與伍使往返電商仍以原約爲定盤鍼現

已就範續議約稿應送鈞署覆核奏准再行畫押英國
已知美款將成昨怡和行主克錫到滬宣力拒英國自
造之說如不照原議卽行停罷克錫允爲調停有原議
在或不致離譜惟事關鄭重宜擬俟大端就緒攜帶約
稿北上與鈞署面商一切辦法請 旨定奪是否仍候
鈞示

香帥來電 七月二十六日

念劬已晤粵漢鐵路萬不可辭無粵漢則盧漢利
薄無人入股更不能還債矣且他人接手則美約
喫虧愈甚無人接手則法國必自爲之大局若壞

人又將歸咎盧漢之作俑引寇矣只有努力擔承
與夔帥切實商之此鐵路安危關鍵務望熟思切
勿自困至要至禱

寄香帥

七月二十八日

宥電勗以粵漢鐵路努力擔承知己之感無以復加惟
近益多病志氣頹喪每與比人計較工程牽動肝腸徹
夜不寐所以不上瀆者恐勞焦憤耳美國驕狠更甚現
議續約爭論數月之久輒至翻臉將來駕馭更難於此
而粵督必不相助又豈能如盧漢故知機而退不敢畫
押總署復電允俟赴京面商宣蒙青垂雖艱難百折決

不敢貽舉主羞言官輒肆排詆擬面求 聖主專責以
盧漢工程餘皆另請改派此苦衷也乞密鑒

香帥來電 九月初五日

部款已撥安否甚念粵漢路事萬不可辭美公司
欲得礦似不妨許以粵礦若美約不成必爲法踞
盧漢多係法股將來必不免干預若南北幹路俱
爲法佔大局全壞閣下能辭天下責備耶前數日
英國議員威利敦來鄂接晤力言盧漢路歸法之
大害聞之尤爲悚然日來與總署議論若何望速
復

寄香帥 九月十五日

歌電言粵漢路美約不成必爲法踞尊慮極是惟美公
司必欲得礦昨赴總署查已照准法國所請兩粵雲南
礦務均歸法辦無可挽回可勝浩歎

寄太原何中丞福堃馮方伯鍾岱 九月二十一日

聞晉人有以電桿之桿字從旱搖惑民心者愚謬可笑
電線已創十九年徧設二十二省水旱偏災時時常有
光緒初年秦晉赤地其時並無電線去年江浙水災豈
又得謂線字從水耶但恐刁民造謠愚民惑之可否請
先出示嚴禁謠言並飭州縣防範免如十七年釀成鉅

案感禱之至

香帥來電

九月二十三日

尊意欲調鄙人赴京會議一節萬萬不可焦急萬
分愚陋之見豈能有補大局且賤軀衰病日甚今
年更添氣喘心跳頭眩眼花脾不運化夜不成寐
諸病數十步外需人扶掖僚屬共見往返數千里
實不能堪此勞苦若勉強到京困憊欲死焉能籌
畫議論況次棠中丞久病未愈鄂事付與何人尤
多窒礙千萬奉求速將此說作爲罷論竊思練兵
籌餉自强大計自可垂詢各省疆臣令各抒所見

方臻周妥如詢各省洞必竭誠覆奏備采與在京
面議無異且各省亦必有可取之策似此方是正
辦務懇與當軸婉商免調感且不朽若必請調是
害鄙人也迫切之至卽望電復

寄香帥

九月二十五日

慶邸頗願調公亦不僅爲會議中外實無解事人公想
亦見到此故不願行當軸亦未必皆願公來俟與邸晤
再電聞

香帥來電

十月初八日

美使康貝來晤勸其早定正約勿過爭礦務免爲

他國所奪康言總照草合同立約草合同有礦務
語不知確否恐係勉強影射之詞並云法約只言
廣東廣西邊界礦務先儘法人並未言全省歸法
又云此路美國家必辦斷不能讓他人等語日來
在京議若何總署能主持否祈示總之閣下萬不
可推卸至盼至要

寄香帥

十月初九日

伍使所訂原約專條言工竣後行車需煤議定總公司
如奉明文准在粵漢路附近開礦採煤卽令美公司辦
理籌款分利詳細事須由督辦與美公司商定云其時

美欲列入正約說實幾決裂始允如奉明文字樣作活
筆現辦詳細續約伊索韶州衡州郴州煤礦請照福公
司豫晉礦章查總署二十三年五月復法使照會內開
廣東廣西雲南南邊三省界內礦務中國國家開採之
時卽延用法國礦師廠商商辦云康貝所說法約只言
邊界諒未知有此照會衡郴則虞帥極以爲難實則湘
紳中具稟請開礦者甚多若礦係總公司出頭餌以利
未必不允但撫台持甚堅何敢越俎昨坎理同美署使
赴總署面請礦事堂官仍推敝處宣在京難定坎理卽
擬回國不能畫押美斷不肯放手但夜長夢多用是隱

愚齋存真 卷三十四
憂卽使宣不推託亦難定議竹翁云總須奏明後交署
議准而粵湘未必肯會銜若論原奏北洋亦未必願干
預如何是好乞酌示

又 十月二十日

旨派會同聶仲方赫德修改稅則論理可辦得到而時
局太難姑盡心力而已

又 十一月初九日

前日 召見 慈聖詢京城鑄銀圓自應鑄一兩重
方能上下通用但未知外省已鑄七錢二分者能否改
爲一律宣奏對鄂督亦以鑄一兩爲然昨已電詢開鑄

各省 慈意當以尊論爲斷若僅仿鑄墨銀將來俄

法英德日各國必用彼之銀錢先從租地用起漸入內

地圖法之亂何以爲國且據赫德言不是一兩海關斷

不敢收因收款作七錢二分及支用時不能盡如其值

目下京城龍洋只能換京平六錢八分如何得了公如

力持正論 上必嘉納鑄銀圓自公創之一權量又目

公成之宏無上之規模豈僅爲籌款已哉公若有異議

上必搖惑從此紊雜莫衷一是竊恐吾國錢法吾自

亂之他人將起而乘之張燕謀與德璀琳商酌擬開國

家銀行弊何底止宣面奉 懿旨暫時留京條奏已

患齋存彙 卷三十四
寄蘇堪轉呈想蒙垂鑒雪岑何時能來盼甚

香帥來電 十一月初十日

前鐵廠歸商承辦議定每生鐵一頓繳官銀一兩
現日本歲購大冶礦石五萬頓商廠歲獲巨款此
利益在鐵廠製造之外似應地方亦同受其益眾
論方愜擬援照生鐵例減半每運鐵礦一頓由商
廠分價銀五錢歸官以昭公允至煉鐵學堂乃於
鐵廠有益之事似與地方無涉除咨達外特先奉
商再湖北礦質自應在湖北完稅出口前接六月
翰電亦有日本商輪赴石灰窰裝載須由漢關報

明估價抽稅之語大治之下有武穴係江漢關分
關應在此完一正稅不應至滬新關完稅並所知
照小田切爲禱

寄香帥

十一月十一日

佳電諒蒙鈞察圍法非畫一不能爲定制各國鑄金銀
銅三品子母相權皆有定價通國行使不准混用他國
之幣墨銀入中國市少則貴多則賤不以輕重作準是
貨也非幣也龍圓亦視墨銀爲低昂出省則愈賤在各
省市用則可部鑄垂爲一代典制公亦知其未可也但
欲強鄂江粵閩驟改亦恐煩費而難行擬請鈞處請部

見發在裏 卷三十四 三
鑄一兩供府庫出入以代寶錠外省略緩譬如墨銀多
來數十萬俟一兩通行後不特七錢二分之龍圓可改
鑄卽墨銀亦可鎔化也事之成敗在公一言伏候裁斷
又十一月十三日

鐵廠商辦三年計借盧漢軌價一百萬商股五十萬銀
行三十六萬銀號五十餘萬除撥還官本外約須虧耗
一百八十餘萬萍鄉煤焦運道未成恐虧耗無已現准
部奏咨取歸本甘結至深焦灼計無所出日本議購大
冶鐵石定價每噸兩圓四角鐵輕錳輕磷重硫重者尙
須減價挖工裝載運礦輪船艙內工費一概在內所餘

無幾現須設躉船起重機器約需本銀十餘萬初辦三年必無餘利鈞意欲令每頓捐銀五錢斷辦不到擬令大冶局員將日本礦價兩圓四角專款列收除開支外實得餘利每十兩抽繳五錢庶可官商兩顧至出口稅與赫德面商現用帆船運滬交貨帆船應可免稅至上海過儼輪船是應在滬關納稅俟黃石港碼頭躉船造成日本輪船可直抵裝礦方能在漢關納稅除咨呈外先此謹達

香帥來電 十一月十四日

尊奏請鑄一兩重銀圓尊意必有利國利民要指

斷不僅爲一權量起見請示大略始能熟權利害
電復戶部記得去年台端談過官發各款卽照一
兩庫紋計算民繳官款則照舊章將平色補足此
一利也又通商銀行匯兌若銀圓重一兩則匯兌
便利暢行此又一利也查收發盈餘之利除洋圓
購機及中國工程物料之外或有盈餘然發照十
足庫紋而收須補水則是戶部顯然視銀圓不如
紋銀輕重兩歧商民安能通用與古來中法今日
西洋鑄幣之意均不相合於行銷銀圓大局有礙
至銀行匯兌之利鄙人不甚了然務祈再爲詳示

此外於公家尙有何項利益均請明示至赫德謂
非一兩關不敢收之說亦未甚解假如龍圓重一
兩海關卽按一兩庫紋收乎行用鷹洋之地其完
關稅仍是按鷹洋市價申合庫紋亦並非卽作庫
紋收也此節亦請明晰詳示鄙人本意雖願鑄一
兩然目前有無窒礙情形不能不詳考熟計如果
有利無弊必當力助尊論也祈速復

寄香帥

十一月十六日

公昔鑄七錢二分龍圓專欲與鷹洋並行於市塵不欲
其驟行於府庫也今由戶部開鑄必宜上下通用將天

下元寶小錠皆可化爲銀圓似非照常制以兩爲圓不可若鑄庫平又恐商民不能通用擬請鑄京平九成色則便於民用如稅課照例應繳庫平足銀一百兩實收京平銀幣一百十六圓如閩粵海關收爛板洋仍收庫平論兩不論圓每百貼色十兩有成案可援海關辦得到賦課更無辦不到放款已有發京平者卽所謂六分平餘歲入八千萬除津貼各庫約可餘千萬此利於國者至局費則小銀圓八成色足可相抵各庫非銀圓不收再有各省銀行爲流通關鍵遠近一律通用無欺僞無扣減不比鷹洋換銀市價長落無定兵民皆受市儈

愚弄此利於民者若通商銀行止應助府庫流通市面不應專利慶邸有推廣紙幣之意權量畫一始能仿日本以紙幣與銀幣抵劃子母相生始能仿各國以銅錢與銀錢遞用大約鑄兩之利公所深悉而鑄兩之害不過各省改模之勞耳其已鑄者亦不必急於鎔改久之七錢二分之中西銀圓商人自必皆持往銀局鎔改此自然之勢可於各國驗之若謂收款補水補平輕重兩歧誠所不免然取民之制本屬庫平足紋若不照加恐國家無力行此損上益下之政況海關更損中益外乎如下令只援閩粵關稅之例便無不妥惟各庫耗羨概

已刪除自應酌給津貼耳否則中國圓法不自爲政自
鑄銀幣與他國銀幣並行不悖將來英法德俄美日各
幣俱來先由租地浸灌內地無計禁阻而自然大利爲
外人分奪其弊一京局與各省局同時並舉若鑄圓而
不鑄兩仍不能廢兩而爲圓必致有時無銀可鑄其弊
二部庫搭收仍當以分兩爲準如解庫一百圓止能作
銀七十三兩而十成足色變爲九成無可貼補其弊三
搭放兵餉一百圓必須作銀七十三兩如值市面鷹洋
跌價作七十兩則龍圓亦止能作銀七十兩卽如京城
目下龍圓止能換銀六錢八分其弊四赫德以海關不

能行用亦因其值無定耳總之古法西法制幣皆欲盡
一其值永無上下若鷹洋之來中國不以其輕重爲輕
重如鷹洋多於紋銀則價賤紋銀多於鷹洋則價貴是
與貨等耳管見亦非敢謂七錢二分者不足爲常經但
能廢兩則亦可畫一矣 朝廷折衷於公公一代名臣
一言當爲天下後世法區區之愚敢以直瀆

香帥來電 十一月十九日

前比人請開租界迭經嚴駁詎薛領事在日本界
下鐵路站上私與法商購地六百餘畝送請江漢
關稅契查所買之地前年地方官及路局屢欲購

置祇因中國奸商刁民串通洋行抬價抗不呈驗契據致未買成而年前曾出告示聲明此是爲地方及路局自行需用之區民間不得私相買賣今竟不能自買而爲比人全片奪去於情理政體殊有不合關道委員赴領事處查驗契據竟有二十年稅契者此等違禁私相買賣之地豈能准關道蓋印乎此外含混之契尙多況薛領事買此大片之地雖非准其開界亦必暗作租界前者德日兩國早有違言若竟准其稅契兩國必指爲失信萬萬不能下台此時惟有由路局無論如何籌款

向彼將此地收回或將路局以下所買之地與之
抵換告以此處爲地方及路局所需建設軌道局
廠公用之地早經議定萬萬不能讓人有前年告
示爲證乃因奸民匿契不呈無從議價致未買成
並非地方官及公司不買地方需用之地卽已買
成亦須讓還查此處正是鐵路碼頭精華所在將
來地價必漲至十倍此時豈容外人全行奪去且
比領事買價亦不甚貴共止十二萬三千兩卽由
閣下自行籌款購置尤爲合宜只須不歸外人將
來官中決無異說不過與外人爭論則以地方官

爲詞耳至比人居住及開設行棧則照去年尊議
由公司借撥地若干聲明管路巡捕之權仍歸華
官自然比國不能指爲租界三十年後歸還辦法
較妥或酌選一二百畝讓與伊買不令大礙全局
一面由敝處飭關道勿予稅契合力爭辯庶免精
華爲外人所奪長奸商抗官刁風而貽德日兩國
口實可也此事鄙人旣爲德日交涉亦爲公司利
益閣下若堅持收回別籌善法搪塞比人鄙人必
當竭力相助特此奉商祈卽電復

寄香帥

十一月二十日

十月朔電鄭道聞比國託教士將日界一百丈以下所有鐵路公司未買之地盡行買去地方官均已蓋印請查明稟知鈞座核辦宣會面詰法比使皆云若無地方官印者可不算數頃奉效電關道委員驗契竟有本年稅契者未知係何署印契尙幸新章須要關道蓋印爲憑然地方官已蓋印者須要設法不認爲眞方有辦法否則斷不肯照原價收回鈞意爲交涉兼爲公司必當併力爭論惟地已先入彼手照去年所議恐不易就範董令治勛請速催令回漢

董令於嶺南志對合回苑...
 州六...
 否...
 憑...
 殊...
 官...
 查...
 育...

愚齋存彙卷第三十四

指... 日... 百...